

東社集

東社集

第三年夏錦

妙心



本社啓事

本社社友顏蕉心君已退社此後凡關於顏君個人行爲與本社無干特此聲明

社集夏號因地力關係稿件困難印刷不便故遲至秋季出版讀者諒之

秋號社集擬概登關於秋季之創作

本社蒙海內外諸詩文社惠贈古籍報章盛情敬領概此鳴謝

中華民國十三年七月出版

東社第二年夏號

每冊售印刷費一角

編輯者 廈門東社

通訊處 廈門廣平巷三十六號

謝雲聲轉

印刷者 廈門閩南印書館

廈門蔡媽街東社

廈門新民書社

廈門南新街世界書社

各省各大書局

發行者

◎談定盦詩

雲聲

曼

近世談定盦詩者。約有二派。愛之者。則曰。骨格雄勁。音調蒼涼。詆之者。則曰。詞藻浮澀。油滑聲牙。二說各持其是。未可厚非。○
顧定盦之詩之文。雖古奧雄奇。要亦未盡其才也。吾人即須進一境。以測其爲人。

言

蓋定盦胸懷曠遠。跌宕文場。未嘗無革新之想。惜乎。其時民族主義。尙未發展于我國。致使曠世之奇才。而僅以文字鳴於世。可慨也已。

吾於是疑世人之詆定盦者。不謂無偏。而又疑世人之讀定盦之『奇文不可讀。讀之傷天民』句。或懼而故詆之耳。

東社第二年夏號

● 東社徵求及揭曉

▲ 第四期徵求詩鐘

▲ 題目

懶禪（雁足格或分詠格）

英贊值課

限至古歷十一月十五日截止卷交廈門蔡媽街九十七號呂英贊收來卷請署台銜住址備有薄采以便奉贈

沐猴圖再徵題詞

警予徵求

前期徵詩收卷無多恐海內外有遺珠之憾特再廣徵諸同文（詩詞均可）如蒙惠題敬備贈品藉酬雅意題解參見春曉社集卷交廈門虞朝巷十號蘇警予收

▲ 第三期徵求詩鐘揭曉

晴圃（鳳頂格及分詠格）

(一)

晴轉綠蘋春意足

(佑人)

(二)

過雨綠楊明露色

(佛果)

(三)

圃滋黃菊晚香腴
晴轉新蘋驚遠宦

(破研)

(四)

經霜黃菊淡秋容
蓑衣好取同書晒

(晚蘭)

(五)

圃樊弱柳拒狂夫
晴後桃花嬌欲死

(嬾娜女子)

(六)

野菜何妨伴菊栽
既雨亦宜吟輞水

(佛果)

(七)

圃前楊柳弱難扶
晴日暖烘花氣午

(抱一)

(八)

與塲並築紀幽風
晴蒸花氣濃於酒

(瘠硯齋主)

(九)

圃霜寒浸菊痕秋
雨過長河初浴日

(竹君)

(十)

圃綴霜枝淡似人
晴補漏天收暑雨

(少甫)

(十一)

霜高小碗正飄香
葉底猶搖昨夜雨

(蕙卿)

(十一)

圃留殘菊傲秋霜
晴收雨氣虹垂玉

(少甫)

(十二)

籬邊半著隔年蔬
晴暈蛛絲添屋角

(抱一)

(十二)

圃澹秋容月上鉤
晴開春色桃符錦

(梧湖漁隱)

(佑人)贈古今詩選全部

圃肥蟹爪印霜痕

圃老秋容菊淡妝

(佛果)贈趙甌北詩鈔一部

(破研)贈嶺南三大家詩集全部

(崦蘭)贈雨窗軒全集一部

(嫺娜女子)贈玉臺新詠一部

(抱一)贈疑雨集全部

(瘖硯齋主)贈仿宋版陶淵明集一部

(竹君)贈國朝六家詩鈔一部

(少甫)贈陶淵明集一部

(蕙卿)贈顧亭林詩集一部

(梧湖漁隱)贈溫飛卿詩集一部

△第三期徵詩揭曉

題沐猴圖

(一)春泥福建廈門

蘇子少年喜畫梅。著筆橫斜澗淡開。相形不在金農下。一時驚座傳佳畫。此幅獼猴更神奇。我見心喜未忍離。傳聞補出閣婆圖。生好拭面人呼沐。頭銜一自博王孫。載幘披緋便履尊。年時久困巴山峽。一躍竟成萬世業。居然傀儡亦登場。胡帝胡天冕衣裳。周公遺服裂知恥。咄彼獼猴翻倡始。或謂衣此可爭榮。

。項王而後繼項城。項城本非項王裔。統率健兒誅白帝。項王衣錦人笑癡。誰分項城竟效之。八十三日忽忽逝。不堪回憶乙卯歲。西楚洪憲相去遙。斯圖若爲兩人描。叮嚀迷夢帝王想。合向斯圖長揖拱。

敬贈近代詩鈔一部拙刻壽山石印章一對（請示印文）

（二）抱膝翁江蘇口岸

蘇君自畫一幅畫。什襲珍藏不肯挂。在匣十年出示人。乃是沐猴殊可怪。畫家作畫必有派。是何用意寓機械。吾聞此物性最靈。有時墜落人世界。搖旗擊鼓市場中。能爲百戲弄狡獪。又聞此物心最野。跳巖跨壑方稱快。自居儼然百獸王。竟欲羣雄齊下拜。保毋獵火入山深。張弓挾矢未容懈。猴乎人乎各誰歸。挺而走險終必敗。吁嗟乎。獨不見古有楚人稱英雄。比爾何如前車戒。曾否添毫替加冠。我早作詩發長喙。自題謂緣袁氏稱帝而作，余於五年有句云，側見大家思放膽，一齊涉險渡袁絲。

敬贈陶淵明全集韓昌黎全集各一部

（三）釣叟客福建廈門

自昔軒轅肇衣服。仕途朱紫開爵祿。若個淮陽卻錦袍。巾巾遯世吟深谷。閨婆一物似人形。抓頭拭面名曰沐。顛倒暮四復朝三。不信君子化頑畜。供役執爨差相宜。玉函微奧何能讀。擁篲巴峽混清吟。經笥詎有便便腹。戴冠胡然天而帝。欲與聖賢相競逐。伊誰戲筆寓警懲。生驅怪物入尺幅。孫兮孫兮且小安。傍觀有人笑可掬。

敬贈餅水齋全集吳梅村詩話各一部

(四)蕭壽仙 福建廈門

座中偶見畫一幅。戴冠怪畜又衣服。原來蘇君戲筆識。寓意斯圖名猴沐。畫家妙筆果新鮮。聞說珍藏已十年。今出示人多見笑。枉他胡帝與胡天。雖死留名亂世者。萬年遺臭普天下。九原便說有黃泉。難把羞慚滿面洒。楚人可鑑作前車。比汝英雄總有餘。到底野猴無智識。早知今日悔當初。

敬贈兩當軒全集一部

(五)固 仁江蘇曹甸

眼底滄臺幾變遷。披圖根觸十年前。快將半幅緣竿戲。留作千秋寶鑑懸。傳神不讓顧長康。繪出山公性獷狷。笑爾一官微供奉。居然冠冕僭稱王。

敬贈龔定盦全集一部

徵求外。又蒙諸友賜題。謹錄二首。餘俟下期發表。

並此道謝。

警予附啓

沐猴圖爲蘇警予題

晉江黃我生曾惺

望楚項城頭。韓生傲貴游。笑人先鼎俎。竊國盡王侯。圖畫功名紙。衣冠傀儡優。塚中枯骨後。飲器待誰收。

龍溪黃靜仙瘦華

堪嘆項王忌。一朝懷古都。神奸形九鼎。異物笑邊隅。蠅凡毋相弔。狙公計不殊。憐君憂國淚。洒作沐猴圖。

△詩

過江吟

思明孫君庭漁隱

頻年雌伏情不適。高飛恨我無鵬翮。偶從鼓喚過江來。汎汎小舟逐浮碧。片帆初掛御空行。忽覺清風扶兩腋。蒼波滾浪欲躍龍。青山狂走爭逐客。披襟果爾大王雄。壯思粗豪髯如戟。儼然滄海駕鰲游。吐氣揚眉驕李白。一時慷慨作長歌。澎湃江聲若按拍。丈夫處世晦功名。惆悵昂藏具標格。君不見窮途痛哭人。終古猖狂傷阮籍。乘風破浪試今朝。或兆萬里於咫尺。

懷王君

天浩浩。海茫茫。參商樣。各一方。落月屋梁思李白。遺誦千載繫人腸。韶年西窗共風雨。彈棋說劍忘更鼓。高山流水契神情。不效尋常金蘭譜。我年廿四貧傭書。君方晝錦榮里閭。交游

五陵盡裘馬。因我戴笠頻下車。可憐上書無顏色。憔悴洛陽嘆荆棘。爲推爲挽三藉君。未嘗驕矜揚自得。生成夷甫品性殊。恥把金錢訴窮途。誰知末世有鮑叔。無才羞說管夷吾。丈夫受憐固自恥。貽自美人情無已。更蒙九萬昂鵬搏。慚愧至今肉生髀。憶昔投契均妙齡。彼此詩禮學趨庭。轉眼三十四寒暑。同失怙恃髮星星。中年以後百感集。一念良朋欲於邑。安得縮地法再傳。千里朝朝共坐立。黃雀笑我不含環。我報鮫珠偏感泣。

醉月歌

六月十五夜坐月戲作

炎炎六月久無雨。焦頭何處訴熱苦。廣寒十五來清陰。涼波蕩漾四大部。散人箕踞坐石庭。翹首縱目望空明。鴻濛恍惚奔巨鯨。一氣浩浩化滄瀛。變幻浮雲翻白浪。風來風去滾作聲。琉璃宮殿不入水。七寶耀彩滿太清。我聞張騫槎。曾向斗牛征。安得借來試一行。東面喧嘩誰笑舞。認是八仙赴紫府。李呂藍曹韓。拍手又拍肩。一箇便便鍾離肚。果老偏唱行路難。踰踰獨後無隊伍。更有何仙姑。羞羞澀澀怕人覩。何來霓裳聞耳中。瑤臺咫尺見月宮。飛瓊依

稀似相識。雙成了了。纔成童。問我姓名與居處。詰我處世建何功。散人一一爲具道。功業蒼蒼不我造。醉陶醒屈兩無同。不崇孔教非佛老。仙人牽吾衣。要我隨之去。香風陣陣軟塵飛。到後四瞻瞻。飛燕不甚瘦。太真不甚肥。婀娜婀娜雜有靈妃。梅妃江妃。又潘妃。清音響紫雲。冷七歌長短。玉笙調高壓銀管。綵幡十隊飄迴。嬌步緩。廿年養就許多愁。却從此夕銷憤懣。果然乖巧是荷香。已捧霞杯勸客嘗。一杯胸膈快。二杯氣血強。三杯五杯狂態頓披猖。登上瓊樓裏。偎倚嫦娥傍。嚇殺金蟾玉兔。盡潛藏。嫦娥知我醉。扶我繩牀睡。吩咐仙姬罷歌吹。四更醒時月在西。庭間冷露滴滴墜。不見縞袂諸仙人。祇有夢痕索綺思。

重九登洪濟山觀日

晉江陳智平杏村

洪濟山頭高百尺。白雲黯淡無顏色。我來適值日重陽。偶然亦作避災客。山後行盡復山前。石臺危立冷晨烟。山上有臺名曰觀日躡履登臺一極目。遠水悠悠接到天。水天而外有何物。一輪紅

日浮出青天碧水邊。紅如爐火圓如鏡。直比尋常大百千。不是此間離日近。何以看得分明。

見得先。咸池之浴話太癡。蒙谷之歸亦猜疑。莫猜疑。莫猜疑。君不曾讀柏林天文詞。紅日原不走。地球自轉移。東方見日出。西方賞月時。此時若向天涯問。西方美人正自憑欄對月有所思。不疑紅日不能走。只疑地球旋轉山水動搖總不知。吁嗟乎。山水人物盡變更。舊解廢來新解生。悟到地球是一星。始知吾輩原在空中天上行。

自強

南安蘇 甦警子

爛醉張醒眼。一望渺汪洋。天地造萬物。萬物無盡藏。我亦萬物一。寄身荆棘中。畏懼不敢前。必遭其鍼芒。努力與奮鬥。曾不爲所傷。卽此可知已。安可不自強。

題陳茂木姻丈遺照

此是陳元龍。平生湖海氣。待人秉真誠。居心無二致。孝弟人共欽。仁慈我所佩。口角生春風。胸中懷素志。自我識公時。我年尙幼穉。公誠加愛我。教我周且備。潔身以自愛。奮勉兼策勵。不然朽木材。安能立大地。感公當日情。今日還自愧。再拜題遺徽。不能盡一二。

琵琶

一曲清音度碧紗。檀槽譜出落梅花。寒禁翠袖玲瓏夜。淚濕青衫縹緲家。滄海潮生龍起舞。平沙月冷雁橫斜。劇憐老去東山妓。猶抱琵琶半面遮。

送陳丹初先生赴菲律濱

百年作計賦長征。先生此行爲勵志學。校募捐建築基金。豪氣元龍快此行。青眼定垂湖海客。不須問卜到君平。

吟鞭東指卽天涯。借句。菲律濱一名東印度。知己天涯自一家。收拾風光作詩料。不辜才調擅詞華。

晴圃雲聲軒甫佩眞諸君以游萬石巖詩見示因和二首

嵯峨萬石水雲封。澗底鳴泉激石淙。一覽亭中時極目。一覽亭在象鼻峰。萬笏朝天處。海天壯闊豁塵胸。

朝天石笏出塵凡。絕壁磨崖大字嵌。各有高山流水志。巖前石上鐫高志。山流水四大字可無詩句勒名巖。

輓柯賢英有序

賢英死兩年矣。賢英之故友。以賢英之停柩未埋。而冤沈大海。中心憤憤。鬱不能平。作詩輓之。時甲子六月二十四日也。

沈寃料不闔雙眸。三十功名一死休。誰分婦人杯酒勸。被臺妓阿珠所
燒死青樓中千秋幽恨應長留。

聰明竟被聰明誤。情裏生涯了一生。大夢可憐迷未覺。風流錯鑄已真成。

未能懺悔酒中狂。辜負良言藥石方。今日持杯喉梗塞。恩仇未報總心傷。

久雨書懷

南安陳 杰熙堂

黯黯氛霾鎖不開。當空殷殷一聲雷。愁雲慘淡天何意。盛夏沈陰雨亦災。不盡登樓王粲恨。那堪呵壁屈平哀。彼蒼偷爲斯民哭。併作淒淒萬點來。

雨後聞蟬

癡雲捲盡晚風輕。卻把蟬聲換雨聲。幽怨似因傷隻影。枝頭故作不平鳴。吸露餐風滿腹清。形單猶趁雨餘鳴。彈琴已誤中郎聽。聞汝高吟爲汝驚。

鷺嶼日光巖消夏

卻暑疑無地。乘涼別有天。僧房談法乘。佛洞絕塵緣。樹影搖欄外。江聲響寺前。誰知人海裏。

靜境好參禪。

家丹初將之菲島次韻贈別

豪氣元龍高百尺。行行萬里任驅馳。男兒慷慨思騰達。女教修明待奠基。歷歷周遊鄺湛若。勞勞置驛鄭當時。飽看海外奇山水。好把風光盡入詩。

次和洪大萬石巖消夏之作

嵯峨萬石鷺江濱。勝境登臨隔俗塵。避日幽巖堪息影。撥雲古寺暫容身。山嵐隱隱青迎客。江水油油碧映人。更與老僧談世外。翛然我是葛天民。

題明妃出塞圖

閩侯歐陽滌
檇源

平沙萬里絕人煙。出塞明妃正妙年。環珮聲中搖洛恨。琵琶弦下奈何天。寒侵羌笛吹楊柳。血濺戎衣泣杜鵑。低首休憐圖畫誤。千秋青塚拜嬋娟。

花朝